

SALIP ITI DANIW TI 10TH RFAAFIL [2011-2012]

Makapasangit a daniw ti tema a matratar iti 10th RFAAFIL [2011-2012] a pannakarambak ti Maika-10 a tawen ti RFAAFIL kas agpasasalip.

Dagiti Pagannurotan:

1. Silulukat ti salip kadagiti amin a mannaniw iti Iloko.
2. Agatiddog ti daniw iti di ab-ababa ngem 20 a linia ken naikompiuter wenno naimakinilia iti maysa a panid ti bond paper. Mabalín a maysa wenno dua a daniw ti isalip ti kada mannaniw. Masapul nga orihinal ken di pay naipablaak iti uray ania a magasin, pagiwarnak wenno Internet.
3. Nawaya ni mannaniw a mangsurat iti estilo wenno pannakasukog ti daniwna ngem nasken a makapasangit ti daniw a putarena.
4. Ti laeng parbo a nagan ni mannaniw ti agparang iti daniw. Nasken a mangusar iti agsabali a parbo a nagan no panggep ti mangisalip iti dua a daniw. No ipatulod ti pakisalip babaen ti e-mail: dua a *MS Word document files* ti isubmitir. Umuna, ti daniw a pakisalip. Maikadua, ti pudno ken parbo a nagan ken pakasaritaan ti biag ti autor. No ipatulod babaen ti koreo: uppat a kopia ti isubmitir ken pakuyogan ti entry iti narikpan a sobre a naglaon iti paulo ti daniw, parbo ken pudno a nagan ken kabibiag ti autor.
5. Agbalin a kukua ti esponsor dagiti mangabak a daniw. Karbenganna pay ti mangedit ken mangipablaak iti Internet (www.rfaafil.com), magasin wenno periodikal a pilina, wenno mangilibro kadagitoy nga awan sungsubatanna iti mannaniw. Agtalinaed ketdi ti copyright iti autor.
6. Dagiti gunggona: Umuna, P2,000.00 ken sertipiko; Maika-2, P1,500.00 ken sertipiko; Maika-3, P1,000.00 ken dua a consolation prize a sag-P500 ken sertipiko. Addanto sorpresa a gunggona a maited kadagiti mangabak. Mabalín a mangabak ni mannaniw iti dua a premio. Mabalín pay a manayonan wenno maksayan dagiti gunggona depende iti pangngeddeng dagiti hurado. Maipaay met ti *Reader's Choice Award* iti daniw a magustuan dagiti readers.
7. Saan a mabalbaliwan ti pangngeddeng dagiti hurado malaksid no matakuatan kalpasanna a linabsingna ti Pagannurotan Bilang 2.
8. Mapadayawanto dagiti mangabak iti GUMIL Filipinas Annual Convention wenno iti pasken nga angayen ti RFAAFIL inton kalgaw ti 2012.
9. Ipatulod ti pakisalip babaen ti e-mail: iturong iti admin@rfaafil.com ken rfaafil@hotmail.com. Babaen ti koreo: iturong iti *DANIW ITI 10th RFAAFIL (2011-2012)*, c/o Cles B. Rambaud, Bannawag, Manila Bulletin Publishing Corp., Manila Bulletin Bldg., Muralla cor Recoletos Sts., Intramuros, Manila.
10. Nasken a mai-e-mail wenno maikoreo ti pakisalip iti di naladladaw ngem Enero 31, 2012.®